



醉里耳餘錄

卷七

乍浦有孟姜女故居搗衣石尚存見宋武原志孟姜女謂即杞梁妻孟子所稱善哭其夫者今長清縣之長城鋪有杞梁妻祠土人亦呼為姜女廟可據也春秋傳齊侯襲莒杞梁死焉齊侯歸遇其妻於郊使吊之辭曰有先人之敝廬在於是吊諸其室則不宜此處有故居也按秦築長城時有范郎妻孟姜送寒衣至城下聞夫死一哭而城為之崩時代遠隔分明另是一人要因琴操有范杞梁妻嘆遂渾而一之耳范郎何人或即名杞梁未可知也容質諸高明

譚仙嶺在海鹽五代時譚峭字景升煉藥得道處也峭嘗著化書宋齊邱

欲竊為已有醉以醇醪縫革囊中投之江金山漁者得而剖之見峭沉醉方醒張目言曰齊邱奪我化書今盛行矣忽然不見

唐開元中勅賜州縣大酺時嘉興縣以百戲競勝于堂凡弄瓦緣木之技悉皆招引一囚聞之請於吏曰某有拙技恨在拘繫不得畧呈耳吏問以所能曰吾解繩技吏曰繩技人之常也有何異囚曰人之繩技各繫兩頭然後於其上立周旋此不足奇某所為者不用繫着只須如指一繩約五十尺拋向空中便騰擲百般無所不為矣吏乃白於監司司問罪輕重吏曰此囚所繫通絡未納餘無別事因允所請明日引至戲場僅捧繩一團計百尺餘置諸地將一頭望空擲之勁如筆立初拋二三丈次四五丈竟若有人牽之衆皆驚異後拋向至高仰首不見端緒

此人隨手循繩兩足離地騰身虛空勢如飛鳥翩翩凌雲而去由是脫身狴犴出廣豔異編

嘉興府學基址即古無量壽塔院開寶六年漢南王時攝刺史丁太尉買磚塔一座掘塔基得石無量壽佛一石相輪一石香爐一舍利一龕一因立為無量壽塔院宋治平中改名慈恩寺明正統九年移建府學於此崇禎年間府學明倫堂歌當道謀卒直之計費不貲時有金姓者金華人罪配西水驛自陳能神筆不假人力費止三金如數給之即以買紙筆硃砂與牲酒諸物先設祭祀每祀貼硃砂符一道鳴鑼數次其堂立正後濠股塢歌亦以是法卒直之

施太尉賃作亭在海鹽縣西北三十五里漢施延字君子嘗賃作半路亭

食其力以養母山陰馮敷為吳郡督郵過亭與之錢不受順帝初徵拜侍中官至太尉半路後人誤作半邏

陽城楊公繼宗成化間守嘉興愛民如子自蒞政不收夏稅歲以郡之餘米補其數時有憲司官王齊者嫉其名出已右即將餘米補夏稅事摺撫以為過欲申奏諸朝命吏取公補稅舊牘閱之方展視間牘忽聯翩而起漸升空中復有群鷹數十或爪或喙爭噪而攫之乘風紛飛破裂無遺憲司怒曰鷹亦忤我乎命彈射之而終不散一老鷹迅擲而下憲司急以手蔽面竟啣其烏紗而去事遂得寢士民為作神鷹錄以咏其德政

楊公繼宗為郡守時有富民嫌婿貧乏告停婚者公諭之曰爾輸三百金聽別擇婿金既具復語之曰我以此付爾婿家爾女亦不失所矣即日呼來當堂成親

中貴王欽義聲勢甚赫所過地方每不勝誅求道經嘉禾討取役夫驛馬太守楊公謝之曰吾民貧甚不堪當往來者騷擾幸即發欽義亦素畏其剛介唯唯而去

胡朝穎淳安人通判嘉興時鄭清之家奴暴橫執置之法移書謝曰以天子之命官撻宰相之奴僕罪當避位清之得書以聞於帝喜曰得一佳士矣除守岳州見劉允泚世談數

正德間澈川農民剷地得一古墓有碑記知是屠將軍墓將軍諱瑋智海鹽人吳越王兵拒黃巢時授指揮使自海道救嘉禾生擒賊將二十餘

人後徐綰許再忠叛與刺史高彥子渭同赴難直抵靈隱山賊壘合圍
數重二人自朝戰至日晡身創百處奮力一呼手擒^賊數人馬上及之
將軍作詠志詩曰輕身都是義殉主始為忠一夜西陵路朱旗走大風
遂遇害歸葬於澈川之青山德政鄉碑記係文穆王時丞相皮光業撰
嘉郡城隍廟即天慶觀舊址向有七賢遺蹟一嚴陵燭焰二蹇子虔山水
三葛洪書寥陽殿額四吳道子貌真五張僧繇畫鷹六顧虎頭神軸七
飛仙又有唐開元中鐘梁朝檜七寶上帝像宋推官解九臯井銘經兵
火後無復存矣

崇禎改元之秋海水溢入內河嘉郡近海之邑凡桔槔所上之水皆鹵禾
多萎死有老農金鬚子淺結桔槔於水面而以夜半戽水入田禾竟無

恙蓋海水性沉夜靜則淀於水底其取於水面者皆河水也此農之巧
思可以為法見明季軼聞

海鹽吳磊齋先生麟徵天啟壬戌登第之前夢一褐衣人誦文信國山河
破碎風漂絮身世浮沉雨打萍之句問其姓名曰劉宗周也醒而識之
時念臺先生以儀曹知貢舉相見驚訝其後交契靡間甲申之變磊齋
死之逾年念台里居絕粒旬有四日而卒遺詩曰信國不可為偷生豈
能久

平湖屠康僖公勲初為刑部主事提牢宿獄中細訊諸囚情罪得枉者十
餘人密白堂官遂得釋公因稟曰輦下尚多冤滯直省豈無屈者宜五
年差一恤刑之官核實而平反之尚書為奏允其議命既下夢神告曰

汝命無子恤刑之議陰德甚鉅上帝賜汝三子皆衣紫腰金後果生三子長應峻正德辛未進士官副使次應坤嘉靖癸未進士官叅政三應頃嘉靖甲戌進士官諭德

曾司農溶未第時有林諱某者因家貧想掘藏久之忽見一白衣童子自稱藏神云爾須供奉豐盛我心若快活便肯與爾藏也於是拮据以奉藏終不可得而林病矣現形飲啖一無顧忌惟司農至即便避去舉家厭苦無法可遣一日適司農來探林病其童子匿床下瓶內家人密以告遂取瓶緘其口上書曹溶封三字但見其瓶旋轉於地累日不息令人舉以投之河其怪遂絕而病者亦愈

隆慶時府治東石獅巷有朱生偶道經南城遇雨迷路心正惶惑忽有二女童來迎相隨入一洞門臺榭園林迥非人世俄而一仙娥出自稱蓬萊宮人邀君一了夙願同進房帷綢繆永夕逮晨告歸娥愀然乃設宴為別更出一錦軸題詩於上曰壺天移傍郡城濛雲自飛揚鶴自巢千載偶諧塵世願碧桃花下共吹簫相與揮淚而別方出門失足忽墜恍若一夢仍在南城舊路也手持錦軸墨痕猶新

繆生俊明石佛里人年十九已聘郡城王一菴之女尚未合卺一日往外見一少女在桑林間云失去金簪生代為覓得之女笑曰與郎有緣願以奉贈并邀至家設筵共酌自述云姓奎名月英因所配非偶誓死不嫁郎若有情願侍枕席相與綢繆遂諧私好自此夜必一往父疑而遣僕潛尾之見其獨卧一新壙上掖歸詰之生不能隱隨訪之知郭家有

女未嫁而沒新墻即其所厝也一菴聞之惧招贅於家越數日此女買舟詣之泣云妾委身於郎誓同衾穴何負至此出釵環數種遺生慟哭登舟而別王氏男婦及鄰人盡見之一日生歸道經墻所見此女已在再四招呼生力欲登圻舟子拉住急棹而過抵家生已氣絕矣此康熙八年春間事

顧亭林庵中有忠烈公祠近歲忽地裂數尺窺其中空洞幽暗却時作風濤之聲以物探之火即應手而起至今尚然見嘉禾志

嘉興劉用章慷慨好義恒為德於鄉嘉靖辛巳歲暮無事散步街巷間見一人情急作投河狀援之詢知為庠生因款留至家助以度歲之資明年獲雋乃即天官吳鵬也

萬曆壬午冬有徽商某舟過九江見江干一舟被劫同船孝廉七人羣裸號泣商各贈以路資衣服初不問為誰也癸未登第者六人其一莆田方萬策不十年已任杭嘉湖分巡道時商以資盡鬻身於憲副屠冲陽家適屠設宴款方商侍左右方異之因詢曰爾曾記八年前活數人否商亦忘懷久之乃云昔在九江曾救失盜者方出席長跪曰我恩兄也七人之中我與焉語屠還其券偕至署中贈以千金并東同難者各周之商仍大富歸于徽

嘉善陸簣齋邛為太僕時有子杏源髫齡聰穎携之至京夜每同寢適有鄰女頗艷杏源窺之心蕩因與塾師邛某商偕禱于都城隍廟師亦從旁代為祈禱是夕正酣寢忽大叫號其父驚問其故備述朝來禱神事

頃夢為神攝去怒欲加刑檢籍上注甲戌狀元官至侍郎壽七十乃沉吟曰是不可殺當奏上帝須臾天符下陸某削去鼎元少宰窮老以終邱某本無官祿即令抽腸戮之其父尚在疑信俄館童報邱師絞腸痧殞矣乃大駭

某年松江亢旱聞嘉興方士沈雷雨道術高妙府官遣吏齎香幣迎之至則驕傲殊甚以為雨可立至結壇仙鶴觀行月字法下鐵簡于湖泖潭井日取活蛇焚之了無應驗羞報宵遁僧柏子庭有詩一聯云誰呼禾地青頭鴨來殺松江赤練蛇聞者絕倒

徐偃王廟在郡城北門外思賢鄉每歲穀日拿舟擊鼓遠近紛來以為借元寶云更可笑者廟中所塑之夫人反坐在偃王上令人不解俗傳王

乃贅婿故廟共稱為徐婆寺按偃王名誕周穆王逸遊不返偃王獨行仁政天下歸心穆王怒而伐之偃王不忍戰棄玉几硯于水走越城之隅曷嘗有入贅事乎甚矣俗語之好誣也或又謂此非偃王乃徐十五郎係宋時附馬有護衛城池之功故民祀之附考

徐鸞晉海鹽人今天星河有徐鸞故居為其得道處朱竹垞棹歌云不待上元燈火夜徐鸞廟下鼓鼙、即以鸞認作偃王誤矣

曾司法行恕州角而孤侍母徐氏就醫嘉興留精嚴僧舍值徐明反擾亂一州止不屠僧母子俯伏于寺之夾街下眾鎗攢刺命在須臾默禱伽藍神資善興福明王願脫刀兵之難世世子孫不忘香火果得無恙至今奉祀於靈雲祖塋後司法生主簿果主簿生知縣李穎相繼登科

平湖市人金大鼎居北門遇一犬每過必嚙之已傷其足者三次金怒呼
主人曰汝畜惡犬害我若不早除我鳴官也至晚金夢犬作人言曰我
王四也二十年前與若全為書辦若中我以法死不瞑目今得相遇正
我洩恨時也金驚寤追思往事非謬翌日特具享儀往拜犬怒不食猶
作欲嚙狀金為之禮懺超薦數年不敢過其處

趙松雪畫竹不減文與可得其真蹟者甚珍重之崇德士人家藏一墨竹
手卷視為世寶華亭衛先生見之題其上云漢家日暮龍沙遠南國春
深水殿寒留得一枝烟雨裏又隨人去報平安此其托諷甚微倘令松
雪見之未免難為情耳

樵李一士人耽嗜古人遺墨購得龍眠歸去來卷順事布景繪境神妙子
瞻書其詞曾入勝國內府有雲趙諸公題跋恒展卷愛玩不釋手後為
楚中學博携以自隨遷職將度洞庭亭一神人冠裳齋告曰知君有
龍眠東坡手蹟願出示可乎士人呈卷神掀髯動色頌贊不已隨拱手
而別既覺懷疑及過湖衝風倏起崩浪刮天舟危欲覆士人悟昨夢乃
皇遽拜祝曰神欲吾卷耶舉匣投之風浪頓息蓋神踪異跡不獨世人
寶之鬼神亦重之也

徽宗自畫夢遊化城圖人物如半小指累數千人城郭宮室糜幢鼓樂仙
嬪真宰雲霞霄漢禽畜龍馬凡天地間所有之物色色具備觀之令人
起神遊八極之想不復知有人間世真奇物也今在嘉興陳氏見元湯
屋畫鑑

戮字似贅

周青士貧居梅會里隱于市廛偶遊嘉善借一園居停一夕嘯咏甚適遂至達旦鄰有郡丞行署時適按部聞周咏詩聲夜不成寐恚甚詰朝遣隸拘至將加挫戮辱有士大夫援之乃得免或述此事于王阮亭阮亭笑曰使袁虎不遇謝鎮西幾不免膏口一座大笑載漁洋詩話

沈山子進與朱竹垞周蕾谷里同詩篇倡和名亦相埒一日錢塘陸麗京遇之於潛采堂甫問姓名即大聲曰得非梅花高館落春草斷垣生之沈山子乎遂訂交劇飲而別

杜少陵集自遊龍門至過洞庭詩目次第為海鹽魯訢字季欽者所編定大都一循少陵生平行跡亦可以見其詩法升降隨其年自少而壯而老愈入于化而細也註脚亦多所補益極為後學借資第音切類多吳音朱竹垞權歌把郎詩學魯訢編亦謂此也

孝廉李潛夫初名天植後改確遁跡龍湫山足不入城市一子早喪夫婦惟業棕鞋竹器以給朝夕晚年耳復聾與人粉板作書相酬對有時糧絕數日或遺之粟非其人寧飢勿受寧都魏林子禧遠見訪臨別各揮涕禧因囑曹秋岳溶謀其生死且致書周青士貧護惜安全之

梅里王介人翊家故業染日坐闌闌間一手扶書以觀一手數錢與市販菜傭相應答為詩文高自矜許好製詞曲作紈扇記傳奇忌者誣以詆毀里紳訟之官雖被創辱而落拓益甚一日平湖陸職方嗣瑞來訪值洗硯河頭扶之登舟家人不知也徧游苕霅諸名勝月餘乃返

范長康名泰明好古嗜奇買宅於郡城之東得一石曰舞蛟蓋李唐時物

元趙松雪所題也其石向高三丈許廣六尺有咫罅洞裂若離而合者三上有蘿藤冠其巔盤旋而下從竅穴中挺出怒目深爪若飢蛟舞竄然某年為鎮瑞脇徙署中有沈將軍者以劍削去半腹血流三日夜後移置項孝廉家夜半作老人舞驚以為怪斫去蓮趺殆盡黃宮詹未遇時僑處其間屢見于夢長康傳其事約略如此今在徐太僕祠中天矯如舞依然不改

趙氏倪氏徐太僕世溇之妾當隨州城破世溇殉難賊見趙氏色美驅之出趙不可時幼女申姑在抱賊先殺之趙大罵賊斷其手指猶罵不絕至碎其頭顱壓以巨石而斃倪氏藏匿得免寇去慟哭求世溇遺骸乞棺於州民斂之繼覓趙氏屍頭已斷猶抱申姑不解乃收石底碎顱與

申姑併棺以斂扶襯歸故里年方二十七也苦節三十餘年世溇所遺血衣什襲如故每一展對輒嗚咽流涕年六十乃卒一死一生節烈俱可風世矣

吳秀瓊嘉善農家女幼曾許字嘉興楊氏子及笄斷髮誓不欲嫁父母不能強任其居家奉佛以紡績自給忽一日沐浴更衣并作一偈云月朗招提境雲開般若台紅塵從不染一笑賦歸來遂端坐而逝

聞樾悟道碑宋景濂為黃山谷立山谷與無隱禪師叅坐聞木樾香恍然有悟宋景濂為題其處即今無隱菴也碑久湮沒順治年間里人治地得之土中大小字皆八分書為宋學士筆徐發續嘉禾百詠中有聞樾悟道碑詩

順治中平湖有金鍛倪适二人相繼為縣令皆貪穢不堪民為之謠曰金皆鍛去倪盡适來

嘉善袁黃平日持行功過格及任寶坻知縣晨起坐堂置空格一冊于案所行善惡纖悉必記名之曰治心篇夜則焚香告之於天凡有便於民者靡不竭力以圖之時寶坻之糧每畝輸二分三厘七毫袁為之區處減至一分四厘六毫夜夢一神人謂之曰汝減糧一節萬行俱完貽福無窮矣後兩子並登巍科書香至今不絕

雍正四年秋嘉郡大水禾盡淹人憂以為粒米無收矣至明春二月間水始稍退農家用船割取稻頭則見粒粒圓綻倍於往常詫為大米每畝俱收至三石外喜出非望越三四年秋又大水民痴心妄覩謂將復食

大米月餘水退禾稼盡腐噉者殆遍四野

乾隆二十年嘉屬秋成歉收明春米價騰貴每石白銀五兩三四月間復繼之以疫癘餓殍載道集上千戶所廢署中屍積如山有司設醫藥局於天寧等寺郡城傳集於五月三十日過羊爆竹鑼鼓儼如除夕詰朝六月之朔衣冠往來亦復共相慶賀此說不知創自何人或亦厭制之法歟

嘉禾童謠云狸狸斑斑跳過南山南山北斗獵迴界口界口北面二十弓箭朱竹垞太史靜志居詩話云此予童稚日偕閭巷小兒聯臂蹋足而歌者不詳何義亦未有驗

安南國亦有嘉興州其屬蒙縣見明太僕李日華樵李叢談

醉里耳餘錄

卷八

宋設酒務於石門歲給本錢二千七百貫責辦息錢八千貫而官吏之請給場務之支費不與焉黃幹監務事慨其本少息多釀政敗壞條請於漕司其啟有云漢人以米麴三斛成一釀而味不醇唐人以錢銅三百飲一斗而價苦貴遂使天下命士類多空簿之欺市上酒徒希復醉眠之樂究弊原之自出皆吏道之不脩背公徇私見利忘義夜入比舍不辭盜飲之名日醉後園自取廢事之責幹不恥卑官獨精勤於場務居者皆拍戶酒至醇美商旅樂酌

慶元間韓侂胄力攻道學撰偽學逆籍頒行天下自丞相趙汝愚侍制朱

熹以下五十餘人內有吳柔勝嘉興教授與焉

崇德沈元用初名杰坐為人假手降旨令今後不得入科場時曾空青守秀州令其易名曰晦舉送與試場中策題舉子俱不能條對沈精通象數一揮千言遂舉狀元祜陵于聞喜宴上以御詩寵之傳曾空青政和中假守京口舉送貢士張彥正綱宣和末守秀州舉送沈元用晦紹興間牧上饒舉送汪聖錫應辰皆為廷試第一後其子宏父知台州賓興日作詩餞送有三郡看魁天下士丹邱未必墜家聲之句

萬曆癸未殿試秀水朱公國祚夢在冀南道上見有一人雙頭歧出騎馬前行公追隨間心懷疑懼加策一鞭躍然突過遂寤迨臚唱公狀元及第榜眼李廷機李乃鄉會兩元始悟夢兆之驗

乾隆甲午浙江重赴鹿鳴宴者二人一為錢塘談某一則嘉興錢家墜錢年十八中康熙癸巳特科舉人曾任州牧懸車已久時年恰八十撫軍因癸巳不開科題請於甲午重赴鹿鳴士林榮之

嘉興項憲副初名德榮夢已名在桂籍以汚兩少婢為文昌府削去遂誓戒邪淫力行善事後夢至一所見黃紙榜第八名為項姓中一字模糊下為原字旁一人曰此汝天榜名次也因近來改行故復得占此既覺易名為夢原萬曆壬子中順天鄉試二十九名己未會試登第一皆疑夢中名次不符及臚傳乃在二甲第五方悟合三及第數恰在八也且鄉會榜紙皆白惟殿試獨黃云

龍舒人劉觀監平江許浦酒稅其子堯舉字唐卿以流寓就試嘉禾僦舟

以行舟人有女及笄色頗冶艷唐卿少年性蕩意欲私之苦未得便至
試日題係平日私課既得意出院甚早適舟人往市未還遂諧私約是
夕其父觀于官舍夢黃衣者馳報郎君首荐前往視榜復有一人止之
曰郎君為平姊事除名矣及歸詰之不能諱平姊即其女小字也迨榜
發果不錄唐卿乃悔過著勿憚錄以自懲并為後生垂戒越三年始中
楊少司馬雍建寄籍嘉興府庠順治甲午充貢赴北直鄉試闈中夢見一
人提燈籠大書兵部二字照之不去是科中式次年聯捷尋以行取授
兵科給事嘗曰得無功名止此乎或曰兵科非兵部君請勿疑後仕至
貴州巡撫每以前夢為妄夫人曰安知不更轉兵部乎未幾果遷兵部
侍郎

平湖屠諭德應竣未第時曾祈夢於于墳夢忠肅公謂之曰橋頭問老僧
晨起即取路入城至段橋劈頭值一老僧竣憶神語因與作禮曰師父
拜揖僧荅曰解元稽首此係口頭稱謂初不在意及詢以功名僧曰貧
僧不過一行者並無所知便撒手散去是科嘉靖乙酉竣果中順天
伯牙臺在海鹽縣東門外二十步相傳伯牙曾鼓琴于此後人築台以誌
勝跡台之基址至今尚存其處即為聞琴村有聞琴橋

烟雨樓舊在澉湖之濱五代吳越王錢元璪壘土成洲建樓以為登眺之
所宋建炎中廢作荒墟嘉定間尚書王希呂重新之後為宋世科柳氏
園潘師且得之為會景亭佳處舊志云縣南二里有柳氏烟雨樓廢為
三教亭元即其地為宣公書院燬於楊苗之乱明初復為烟雨樓中懸

坐嘯乾坤匾額為徐魏國公題嘉靖間郡守趙瀛運土加築後龔太守
勉更築層台於樓後名之曰鈞鰲磯

寰宇覽勝載所稱烟雨樓有三一在沔陽一在處州俱建從陸地未若茲
樓屹然於南湖之中烟光繚繞雨影霏微可謂名稱其實

夏湖即夏墓蕩也在嘉善治北三十里前人曾有詩云忽憶夏湖風味美
斑魚黃雀寄來無讀此幾令人食指欲動

喜蛋美其名曰鴨餛飩宋方回詩跳上岸頭須記取秀州門外鴨餛飩即
指此嘉興乳鴨多用火嘯其未成者即於殼中出之謂之喜蛋加香鹽
炮炙以為春月佳味他方每以此相嘲不顧也有伍氏者精於製法擅
名數世矣

禾地素不產茶近年秀水之恩賢鄉在徐婆寺側忽生春茗一種色香味
俱佳至比之雨前龍井但所出不多極為珍貴予雖抱全羽之好亦未
易屢嘗也

項襄毅公忠從英廟北狩陷於邊善一胡婦一日婦謂曰君欲歸乎吾頗
習途徑當與君俱也公然之因裹餼糧相與潛行行且強半婦曰此去
邊關尚四日吾所賚糧不足為兩人供往與俱斃耳且此去游兵少而
易達因授公糧遂自刎公恐痛獨行甫抵關而枵腹者一日矣至今項
氏祀胡婦於家廟

海鹽劉銳字蓄之世襲衛弁有僕名木者善射一日見水鶴集資聖寺鵝
吻射之貫其左翮帶矢盤旋良久竟下集中庭若臆訴者銳曰嘻必木

也命拔其矢縱之去不能飛乃命木飼之旬日瘡愈向主人鳴舞翱翔而去里中人至今能道之

建文遜國諸臣親屬分戍剝邊一遇絕丁輒行勾補飛符所到冤結二百餘年萬歷間平湖屠林方為鄱陽令適有勾鄱人胡閏絕丁者叔方憤然擲符于地曰彼死忠何罪其親屬又何罪使吾有言責必碎首爭之矣及擢御史即具疏請得蒙宥者千六百餘人京師張赦榜時忽大風飄發榜紙飛揚轉展天際觀者如市自午至未仍還故所鄱陽張榜亦然事見顧憲成英風紀異錄

永樂初遜國諸臣株連詔獄者數萬嘉興鬱秀院羽士沈道寧在都下稱設牢饌詣諸王府化饅頭有施一千二千不等甚有施至一萬者沈取而徐納袖中未嘗見滿使人覘其所為則出御街即憨睡道旁兩袖空無所有錦衣獄吏報有爛頭道人不知從何入分餉饅頭訖去矣一時駭異上聞即召對便殿上曰今五月廿三日也命汝祈雪三尺可乎道寧奉命祈下黃雪三尺成祖大悅詔工部起真人府以居之仁宗即位封至道高士賜牙章馳驛還山

海鹽祝主事家有牧羊兒年十餘素善飯一日歸就午膳庖婦故不與以戲之牧兒泣於田間一道士見之問其所以因出懷中黑丸如龍眼授之曰食此自飽但勿嚼碎并不可語人兒吞之覺腹內充然遂五六日不索食庖婦生疑白主人召兒詰責兒畏而吐其寔明日遣他兒與俱曰若復遇道士一人挽其衣一人可歸報二兒到向地道士果又來謂

兒曰為何漏言謝曰畏主責耳道士一手支其頷以一手擊其項前黑丸自喉躍出復藏于懷兒極力挽留問此何物曰汝知有所謂交梨火棗乎頃之主人聞報至相去數百步道士雙足遽陷入土中稍近益下僅露其首既而首亦不見驚顧問道士已在隅岸拱手而去自是牧兒復食

陸逸冲字敬游海鹽人貞白先生陶隱居弟子齊永明中偕至茅山西嶺立華陽館逸冲之力居多陶貞白嘉其勤勩名為棲靜處士作十賚文策之按許長史碑陰載上清弟子第一人乃華陽前館主吳郡海鹽陸逸冲也

正德五年冬十月梧桐鄉忽然有虎毛色斑斕薦入縣境崇禎五年冬復

有虜西入禾地至十八里橋官兵捕之傷其三人

秀水吳冢宰鵬曾督理漕河先是有神降于桃源自稱柳將軍衝決堤工數為河患一日有人聞其言曰吳天官至我去矣及鵬至而河口立塞沈少司馬思孝戍嶺南神雷衛有故光祿卿劉竑舊第以嘗屯聚蠻兵疫死者衆故即白日亦多鬼魅嘯集人相戒不敢入其子淮移居旁舍久空其第而扁之一夕忽聞群鬼語曰避去避去中朝直臣來矣翌日孝思孝至卜居其中影響遂絕

當沈公思孝論封事日適嘉興岳元聲官工部居寶源局中令人往探及回報知閣臣欺君誤國憤然大怒遂呼紙筆一寫一罵大郎君終七八歲掣臂而言曰娘言阿爺讀書中科第吃了許多辛苦如今須好好做

去如何又討煩惱急欲搶去紙筆元聲大喝曰咄咄楊琳山妻子定不如此所以令丈夫做得千秋人叱之入內時姚士舜在座親目所見明日疏上又一日旨下為民載見只編

秀水陳昂有孝行母邁危疾忽思食鯉乃早起循溪坵行俄聞蘆葦間魚作跳躍聲解衣入水以手探其處果得巨鯉一尾携歸作羹母食之疾尋愈迨居喪廬墓三年朝夕哭泣未嘗稍輟一日以誕期祀母忽有白鶴從空飛下舒頸長鳴鼓翼而舞馴擾庭中不去里人繪二異圖傳之宋高時宗睿思殿有徽宗御畫扇一柄上每持玩流涕左璫某偶下直竊携以歸嘉興康伯可嘗出入其第見之乘璫他適輒題一絕句于上曰玉輦宸游事已空尚餘奎藻繪春風年々花鳥無窮恨盡在蒼梧夕照

中璫見大怒而已無可如何明日伺間叩頭請死上初亦大怒亟取扇視之天顏頓霽但黯然神傷而已

澠湖之濱自昔頗饒園林之勝如會景亭春波草堂萬柳竹墅太初讀書堂俱在其處崇禎末吳昌時為吏部創造名園壯麗甲一時未幾沒官毀廢惟西偏數楹康熙間為徐圃臣別業尚饒幽致

陳周士為嘉禾倅攝郡篆一日宴客于波樓有周監酒者乃趙與籌之隸是日亦載客薄游知郡守之在樓也急令艤棹趨避不意為周士顧見即怒形于色曰某不材望輕被一卒相侮如此遂据據其數事作書以達於趙時趙守吳即日遣逮決脊編置仍押至嘉禾示眾時方炎暑周士令暴之日中瘡血臭腐數日而斃周臨危嘆曰受陳通判屈害當訴

之陰府矣時寶祐丙辰季夏也是歲之冬周士疽發背而殂吁可畏哉
熙寧五年杭人裴氏妾夏沉香澣衣井旁裴之嫡子戲誤墜井中死其妻
訴于官謂沉香擠墮之秀州錄叅杜子方司戶陳珪司理戚秉道三易
獄皆同沉香從杖一百斷放時陳睦任本路提刑舉駁不當劾三椽皆
罷別委秀州倅張若濟鞠勘沉香竟論死其後遠睦京師久之未有所
授聞庶師邢生頰知休咎乃往叩之邢拒之弗見而語所親曰其如沉
香何睦聞之悚惧汗下廢食者累日

平湖陸葵齋名燦宰清豐縣時民有孕婦暴死久而未得毆者主名幾成
疑案葵齋甫下車即齋宿城隍廟是夕更餘夢見兩月在天一婦抱嬰
孩仰而哭及寤遍訪里中知有李閏月者素無賴意以為必是人也拘

而訊之果伏罪

洪武初王介軒名致道曾督運浙省奉命之日在朝諸公送之俱言嘉興
不好而多獄訟介軒應之曰只有不好的官員未聞有不好的百姓官
若好時百姓自然好也諸公皆稱善迨至嘉興觀獄冊及廊房囚人皆
滿內有婦人六十四名即命郡吏列左右先召婦人坐於庭而錄其口
詞又覆審至再三曰若然皆無罪可議止有一婦人里長告以買食私
鹽問案吏曰曾捉得賣私鹽人否對曰不曾曰既無賣私鹽人且將此
婦保管寔家汝可立案待捉得賣人召來再問於是盡出之至次日各
囚俱空詢之蓋知縣恐事敗夜中放之矣見三山老樵紀事詩叙
洪範字邦正弘治時宰嘉邑初至若不事者諸吏頰侮之會值編役太

守憲其不勝任欲以司理代之因召與語範曰初意欲靜鎮耳今既見責便當為之還署即集里老告以此舉前侮者復笑之範怒杖而懸諸樹復申以釐剔積弊各均徭役每區只用里老二入秉公寔舉庭中肅然盡日而畢其事即以上之府守意以為湏日月乃辦何草々乃爾及覆覈里老皆曰自耳目所見聞審此役不擾而辦者獨此令耳守于是大奇其才

績溪胡大司空松號承菴初為嘉興推官署平湖縣事時分縣以來平湖尚未有城適倭寇至羣議興築公夜入府幕曰民難與憲始請縛某居軍前禦倭百姓素受某恩必相急乃可舉事守從之民果任版築不閱月而城已屹然成矣載湧幢小品

元初隳郡縣城嘉禾城廢者七十餘載至正七年冬郡之西隅忽有烏數千紛至沓來競相營巢於地周圍八尺有餘巢約五尺晝夜不休即被驅散頃仍復集若有督迫之者未幾大盜弄兵紅巾繼起詔郡縣築城自嘉禾始

嘉興城肇自三國吳黃龍年間築城時并築有子城周圍二里十步高厚俱一丈二尺亦謂之子牆即唐之縣治宋之軍州元之路衙明之府署牆也國朝悉仍舊制正門一樓曰麗譙元初隳郡縣城羅城門樓俱廢惟子城與麗譙獨存俗傳麗譙為不花丞相將台亦齊東野人之說耳乾隆某年頭門左側子牆偶傾一角有窺之者見中甚空洞有朱漆棺二具懸以銅索不知何人之柩當事命葺其傾處毋許輕動

古魏塘鎮俗又稱為武塘相傳魏武帝窺江南曾駐蹕於此故名舊為嘉興之東北鄙明分縣後定為嘉善治基

海鹽吳方伯昂家貧好學聞海鹽祝先生萃以負外郎家居教授生徒擔囊往從之先生曰生來晚書室已滿惟旁一牛棚今幸無牛可居乎昂唯、先生使人掃除昂輒解衣共作在生徒中最刻苦當隆冬時身外惟披一敝袍中衣敗絮讀書至中夜不輟先生持教嚴每施夏楚必跪而受之絕無纖毫拂逆意由是學業大成登科第歷官至福建布政禮部尚書姚公弘謨在襁褓時父廣文君卒於官母更他適梵、孑立依祖母以居饕餮嘗不繼忍餓誦讀無間寒暑冬夜曾吟詩云屋穿床有雪糧盡灶無煙亦寔錄也嘉靖癸丑登第後迎母以歸克盡孝養人方

之范希文云

太傅錢文端公陳群幼居海鹽之忠泉家貧勤學隆冬天尚未明即起讀書無薪舉火難覓熱水浣面每汲井泉代之膚為皸折曾題湯婆子詩有云盥洗還堪資曉讀井闌不用汲寒泉蓋有感於少年時事也

乾隆丁卯庚午嘉興錢文端公陳群兩典江西鄉試籀石先生載為文端之從孫時以副貢羈滯京師因隨入闈中曾手植雙桂于堂留作他日記憶越二十五年甲午鄉試載已官侍郎亦典試江西樹既陰森花正爛熳徘徊其下不無今昔之感因作詩以紀之

康熙癸酉嘉興學文昌祠祀司鐸募金脩葺命四生董其事有張姓者文譽頗盛亦與為私以料植家用時邑人金子白館于吳門中秋之夕夢

迎浙江天榜朱衣者導入文昌殿子白隨入見一唱名至第十幾名張某帝君拊案曰此生不當中即如嘉興儒學脩文昌祠用料物以葺私舍已大不敬矣須擇下科應中者換之朱衣諾而退及子白假館歸禾猶未揭曉往覘張姓見其三場得意自詡必售即禾中諸名宿亦皆以元魁許之迨榜出竟落第

石門縣學教諭鮑之高長興人順治甲午因文廟傾圮募資修葺所收收三百餘金皆入私橐未易一椽一瓦六月之朔方欲上殿行禮忽若有人擊之者從空踣于階下家人扶至署齋口稱仲夫子擊我手足癱瘓遂成廢疾

張天成為秀邑刑書捕役時有賊犯被獲并拘其婦到官天成窺見色美力為保釋因與私通設計斃犯於獄遂娶作室婦有女年十二三即以許螟蛉子方姓者為妻迨女年長色亦可人天成又欲姦之碍方在家尋釁逐出奈婦防閑不遂所欲逐日怒撻飢寒狼狽不數月而畢命康熙丁丑女年已十九日夕黷之百計堅拒至九月初八晚幾不能脫女因謂曰我父母俱亡方氏子又被逐此身諒無他屬盍明日重陽佳節盡醉合歡乎天成大喜遂治菊觴飲至夜女預藏剃刀令天成先寢登床故作羞澁迎拒之狀乘其不意左手握其勢右手將刀割下天成負痛起扼女喉氣絕少頃割處血流不止昏暈仆地女得復甦出喊地鄰引至縣中時縣令陳公綽訊驗既確大為嘆賞立召方氏子當堂完姻太守黃公給匾旌之曰奇節里人作烈女香傳奇以演其事天成不勝

痛苦尋服毒死

石門錢漢冲之子技精烏鎗發無不中生平殺烏數萬未幾得一怪症痛楚如中矢石以手遍捫輒云此處有鉄子令人以針挑之少減其痛如此數日身無完膚而卒

資聖寺在海鹽縣西中有寶塔極高峻層層設燈燃照東海行舟皆望此為標的功甚宏鉅昔有海濱業戶兄弟二人泛舟入洋口接鮮因風不利俱溺死其家悲哀不已一夕見夢云今墜入海潮鬼部中甚苦每日潮頭湧上皆我輩推擁而來他佛事享祭悉為諸鬼奪去我二人不得占分毫獨念資聖塔燈慈光普照功德浩大庶能救拔耳家人因罄資入寺燃燈以祈超度點甫七夕即復見夢曰今得升一等矣

周祚隆住石門為人頗誠信居家惟課農而已偶有親戚患病俗用保扶之說因十人連名焚牒于里之土地祠是日適以祚隆為首至晚廟祝夢神謂曰汝致周爺所保某不當於日上將代吾職吾不得不為代申也祝以告周亦未之信一日晝寢見役吏來謁稱本境土地祠迎候新官并請到任日期周夢中應以某日遂寤因憶廟祝前言竟與夢符預為料里家事及期無疾而逝

秀水陶元暉名朗先萬曆丙午鄉試甫進號舍恍見黑影模糊有七人拱而迎之終三場嘗若依于其旁初甚疑忌未幾報捷矣明年丁未入會闈亦然成進士後由部曾歷官大中丞巡撫登萊中忽被謗收禁一日獄中無事步至底舍見有七黑人在驚詢獄吏知為先朝犯官未結案

而斃者漆其軀殼留此朗先始悟鄉會試所見之七人即諸公也將與為伍此生不得出矣悲憤成疾遂卒於獄

澈浦晉光熙初有三毛人集於此蓋因大風從海上汎來亦島嶼間所時有也唐開元時置鎮元至元中宣慰楊耐翁居此招集海商貿易遂成聚落明洪武間築城防禦 國朝康熙五十七年添設炮臺正以見澈浦為海口重地保障之計深有貴乎先事綢繆也

康熙壬戌嘉郡各邑有賊偷男人顱骨凡攢厝之柩多遭竊發人心駭驚一時俱草卜葬月餘方息不知偷去何用偶有漕船水手談及云鎮江有賣長米藥者用顱骨鍊成無賴旗丁將糧米浪費虧空抵通上倉時先一日密購此藥和勻米內一石可變二石一月之後仍還本數見

東軒述異記

順治丁酉七八月之交民間傳有妖人叫攝生魂白日呼人姓名其人答應魂即隨之凡店舖貿易多半以筆代口擾至冬季乃息乾隆戊子四五月嘉郡亦有此異更可怪者無論大小人家門上遍貼謠言四句云石匠石和尚一叫便遭殃你叫我不應自叫自身當不知所自并不解所謂予於是秋赴省試見杭城亦然

秀水張鑑素無賴家業蕩盡將妻鬻於吳門娼家妻號泣不已主者怒詰之詭云妾有金飾一笥因夫浪費寄外家不忍舍之耳主者遂載之來禾妻竟詣縣訴其事令拘鑑不到訟漸寢妻因其事不白遂服毒死之日口出一蛇不知所知之適醫生金某過其處見有蛇蛻一條取貯

之囊未幾携至東柵白蓮寺前少憩覺囊中蠕蠕欲動啟視則腮紅鱗白已成巨蛇奮迅躍出從河中去移時聞對岸鼎沸覓渡視之見一人被蛇噬死溝渠即鑑也

石門學舍左旁有里曰西河城田蔡二姓寔世居之田予吉有子名兩元幼有神童之日與蔡氏女同年月生因訂婚焉乾隆戊寅已請期矣兩元驟病不數日遂卒女聞訃悲不自勝噴血數斗父裕光婉辭慰之曰志由汝立不汝奪也女嗚咽不能言呻吟牀蓐者有年比聞兩元既撤席將卜地營窆女遂絕粒以殉時辛巳四月四日也予吉因迎其棺合葬於邑東鄉龍字墟之原閣學武進莊公存與為撰墓碣

醉里耳餘錄

卷九

晉樂府有阿子歌三首注云嘉興人養鴨兒鴨兒死因作此歌

陸士修大厯間為嘉興尉與顏真卿友善時真卿守湖州士修往來苕霅間啜茶聯句交相倡酬峴山窪樽之咏士脩亦與焉

海鹽顧非熊况之子長慶中已下第穆宗閱新進士錄不見有非熊名詔有司進所試卷覽之大加嘆賞追榜勅賜及第

元和九年韋貫之掌文柄嘉興殷堯藩被黜尚書楊漢公乃貫之前榜門生盛言堯藩屈貫之為重收遂登第後歷仕至御史官江南甚着風采有憶江南詩三十首皆道蘇杭事甚為一時傳誦白樂天贈以詩曰江

南名郡數杭蘇寫在殿家三十章君是旅人猶苦憶我為刺史更難忘
淨相寺在嘉興縣東三十五里產樛李每顆有指甲痕傳為西施所搗前
人有咏樛李詩云翠霞青綺密交枝遠蒂看來別寄思驗取一痕香透
甲憐他西子入吳時

樛李本以木名朱竹垞樛李賦序云樛遵為切許慎說文解字從木有所
擣賈思勰嫁李法臘月以杖微打歧間正月復打之足子殆擣之義欵
府治西南二十里舊有樛李城今蕪沒李惟淨相寺有之近苦官吏需
索寺僧多伐去將來憲無存矣考之圖經俱不載因體物成斯篇

新塍市之西鄉人治地獲一古鏡處士鍾欽立以百錢購之面已土蝕其
半命工刮摩之晶光澄澈若弦月之燭霄漢也驗其背銘辭曰尚方作

鏡真大好上有仙人不知老渴飲玉泉饑食枣鏡字省文作竟蓋漢尚
方鑑也宣和博古圖載漢鑑一百有三尚方鑑居其四絳其所銘之辭
要緣武帝好道方士盈廷不免此時習氣耳

鮮於樞從漁陽寓居禾中嘗愛一蠻獅水滴乃漢物也出門即携以自
隨一日泊舟西河上偶墜其吸子於水次百計求之不得既他往三年
復來仍於故處得之詎以為神一時詩人多詠其事

海鹽趙子固性好古玩而法書尤所酷嗜遇三代以來金石名蹟不惜傾
家易之嘗得白石舊藏五字不損本襍叙喜甚因題八字于卷首曰性
命可輕至寶是保一夕從霅溪歸舟覆行李盡沒手持帖立淺水中大
叫曰蘭亭在餘不足介意也

汪晉賢從休寧徙居梧桐鄉營碧巢以當吟窩築華及堂以燕兄弟賓客
建棗杼樓以藏典籍古玩更葺書屋于郡城東之丹里街曰小方壺一
時禾中能詩之士如周布衣青士沈秀才山子諸人日延至座相與唱
酬為樂

平湖馮孝廉洪業家世貴盛宅舍園亭甲于一邑其所構別墅曰耘廬為
畝三百周遭浚濠內為連山複嶺植老梅三千樹築室其中名雪窖栽
海棠千本名海棠巢又種叢桂二千株名桂香街畜馴鶴三十餘日嘗
飛舞其間一時文酒之盛比之玉山云康熙年間為高詹事士奇所得
割其中一區名曰籜菽招名僧駐錫於此以作功德院焉

府城香花橋東曰碧漪坊譚氏之故第在焉庭前有鴨脚樹三本因名曰
嘉樹堂 國初丹石左羽昆弟與秀水朱夏士錫受平湖陸孝山次友
悉中表兄弟也六人相與讀書於中丹石名吉璫官登州太守左羽名
瑄官工科掌印給事中夏士名彝器官中書科中書舍人錫受名彝尊
官翰院檢討孝山名世楷官思州太守次友名棻官內閣學士康熙已
未特開博學宏詞科應 召者譚吉璫朱彝尊陸棻六人中居其三云
嘉善李標字建子精于戎機戰畧壬遁諸書史閣部道鄰辟為記室見事
不可為乃返繼聞史公殉節維揚渡江葬其衣冠于梅花嶺歸而遠屋
皆種梅花樹賦詩三十首蓋自托於西台慟哭之謝叅軍云
順治壬辰吳梅村先生舍館嘉興之萬壽宮方輯綏寇紀畧將以著書老
矣越歲有迫之出山者遂起而補國子祭酒或以為非其志也

嘉興高氏稽古堂藏書八十積與項氏萬卷樓爭富寓公先生諱承堦解組田歸雖當干戈僻擾不輟吟哦案頭留烈皇帝御書折疊扇一柄上有詩云蕭々翠竹野人家靜裡經春玩物華綠樹千章啼百舌香風吹盡紫藤花上用寶璽其文曰崇禎御筆時一展玩每々揮涕臨卒題句云惟將前進士慘淡表孤墳嗚呼亦可以見其志節矣

康熙年間胡樞知萬安縣事一夕夢海鹽彭觀民先生語之曰遺骸在縣境君能歸之幸甚先生諱期生歷官湖西道贛州城破以黃穀自經于章貢台長隨吏楊大器潛収其屍排牆覆之未幾台焚大器殮骨石函埋臺下以廢鐘罩于其上為記時丙戌十月也明年大器將入廣移至萬安百嘉村僧舍人無知之先生仲子曾至江西遍處訪求卒不可得

至是幾二十年矣會大器之友曾堯祖亦以狀白邑令樞異其適與夢合因贈以資令其負骨歸海上說者比於思歸之溫序焉

崔永字彥齡海鹽人七歲而孤母韓氏改適同邑桑慎後慎官御史坐事謫海南携韓以往永年漸長思母不置徒步求之誓不見母不歸行次瓊州始得相見會慎已歿所司以配屬無放還例不遂所請乃復慟哭至京哀籲于朝許之重赴海南迎之歸舟遭風覆永入水負母身感寒疾竟客死于江西道上時茹大素為布政憐而葬之并郵致其母使歸故里人稱為崔孝子云

譚公嶺在徽州婺源縣萬厯年間嘉興譚公昌言曾知縣事有惠政鑿此以通往來行者民便之佩德不忘故稱為譚公嶺并建公生祠於嶺下

奉祀惟謹後公巡登萊卒于濟南子五經進士貞良一日過祠下肅衣冠拜罷攀庭中枯柏宛轉哀號淚滴樹上凡枯槁之枝一時復榮

元吳宏道遇異人授以子午流注針灸之法手到病除歷著神效并不受人酬謝每療疾則令種竹一竿積年累月竹多以萬計遂號其地曰竹所即今嘉善縣治

烏將軍廟在烏鎮將軍姓烏名贊官總戎討賊至東溪而沒裨將吳起就葬于烏鎮之地後起集餘兵下城邑經樵李而還設觴豆祭之神忽憑卒而言曰子之功皆吾助也吾當復永祐茲土觀聽者歛然遂創廟宋睦寇將至鎮民皆禱于廟已而賊自遁人有從賊中來云第見雲蒸霧塞旌旗蔽空疑有官軍故返始知賊之遁皆將軍力也上智潭在廟側

旱澇水不增減有神龜出沒其中人無敢犯之者宋紹興壬午有虜使經崇德來取之隨顯夢於其主帥并多染病送還謝過乃愈或云龜即烏將軍之神也

淳熙元年嘉興蔡攄承議赴蘄州黃梅知縣汎舟大江過蘄以宿是夜大風拔木舟碎于巨浪惟底板存蔡適蹲于其上隨波浮漾意謂家人必皆溺死迨風小定天亦微明視之悉踰聚板上下不失一人囊篋多沒惟一小匣存乃貯出身誥勅者旋喚漁舟載到南岬居人迎之曰昨夜風雷黑暗中聞神人言救取蔡通判一家官人豈非蔡公乎争相慰勞蔡為人質重廉恪鄉里稱其賢故遭大難而蒙神庇若此後秩滿調泰州通判

海鹽縣治去海僅半里許每當秋濤大作潮聲大吼震撼城市至正三年也先不花初抵任聞之大恐不敢卧趨問閹人已熟睡呼之再三始從夢中荅曰潮上來也及覺知本官問懼明日見責乃起而跌足曰禍到矣不花誤聽遂驚跳入內急呼其妻曰本期作達魯花赤榮耀縣君不意今夕共作此州水鬼夫婦此放聲號泣外巡徼聞哭報州正佐官皆倉皇奔赴疑不花遭變故及衆至叩門堅閉不得入毀牆而進見不花夫婦皆升屋涕泣呼救寮佐詢知不覺共為絕倒乃知唐人詩所云潮聲偏恨初來客為真境也

嘉善魏學洵忠節公大中次子當忠節被逮日天大雷電風吼水立邑人聚而送者千人學洵徒跣攀號欲隨北去忠節曰覆巢有完卵耶父子

俱碎無為也洵乃微服間行尾緹騎抵國門邏卒四布遂變姓名匿旅邸晝伏夜出詭稱家僮入獄省視不覺哭失聲獄吏揮之出遍叩當途父執多托故不見未幾忠節死獄中匍匐飲血扶襯而歸朝夕號泣淚盡舌枯即丙夜不少休家人以漿進却之曰先人詔獄中誰夜半而進之漿者竟以哀毀卒噫父忠子孝俱不可朽于千古矣

嘉興錢孚于先生嘉徵以克貢留都值懷宗初踐位魏忠賢猶然怙勢人莫敢言先生首上疏劾其滔天十罪懷宗召忠賢至今跪于旁即以疏命先生當御讀之意氣激昂聲朗徹殿陛忠賢色撓漸發寒戰每歛翰服不能以一語辯

首發魏璫滔天十罪者貢生錢嘉徵也疏稿海內傳寫一時紙貴先是監

生陸萬齡等誦魏功德請建祠于國學中聞者無不唾罵錢與陸俱嘉興人而一竹素垂芬一士林播穢其相越如此

當璫勢方張建祠幾遍天下皆撫一意逢迎甚有拆毀先賢廟宇以改作之者及敗分別定罪嘉興陸萬齡因解刑部時日將瞑道經聖廟恍見周程諸子俱在皆指而罵之忽澹臺子羽出曰因汝倡邪議建逆祠致江西各處聞風效尤將吾黨木主丟在泥坪上我抱千金之璧不惧蛟龍何有于爾輩及魏忠賢哉萬齡正欲匍匐伏罪早以不見遙望惟紫雲瑞靄而已載明信州鄭仲夔耳錄

平湖沈東洲漆官思文院大使以事忤劉瑾廷杖下獄欲置之死時有韓松隣者與漆相善代為泣訴于項襄毅屠康僖諸公由是得釋然瑾怒

未平將復杖之韓流涕請曰沈某繫獄且數月若再加以杖必不起我不忍良友傍徨死也願以身代理亦為感動并宥之乃相與歸耕東泖之石莊

蔣兢初任嘉興通越門後徙大雲塘建文時授文淵閣侍書靖難兵起謀建義旗逾海抵閩粵檄州郡大舉不果遂亡匿山澤間自稱東海逋臣潜游楚蜀二十餘年乃歸哀絰以終其身曾經神女廟題詩於壁曰環佩依然賦不虛千秋一夢致人思襄王此日知何處空見朝雲暮雨時戊申建文帝至廟見之揮淚命剝去

海鹽有村曰半邏劉長卿所云半邏鶯啼樹也近市有呂冢土人相傳是孱陵侯呂蒙所葬考吳志荊州記蒙卒于公安葬于蒲圻則非冢冢明

矣按漢季有義婦呂榮死於黃巾之亂葬由孝之北郭名義婦坂想即此也蒙與榮音相近乃誤耳攷呂氏榮由孝人吳計昇妻計昇少為博徒無行每令改嫁榮曰命之所遭義無離貳惟日夜進規計昇感勵尋師遠學由是成名旋被本州辟命行至壽春為盜害所刺史尹耀捕得之榮迎喪于路詣州請甘心讐人乃手斷其頭以祭後遇黃巾賊亂執節被殺是日雷雨晦冥賊懼葬之吳郡太守糜豹聞榮高行遣主簿祭之又出錢助縣為塚於北郭特表其地曰義婦坂

王月妝海鹽向升妻早寡矢節姑欲以從子為後乃泣曰吾死今其時矣遂題絕句二首云孤燈一盞照空房四壁虫聲欲斷腸休怨淒涼眼前事自燒前世斷頭香平生節孝兩無成遺笑人間作話名寄語湘君賢

姊妹東風回首莫關情題罷閉戶自經時嘉靖戊戌歲也

太學服膺齋上舍鄭文秀州人其妻孫氏寄以憶秦娥詞云花深深一勾羅襪行花陰行花陰閒將柳帶試結同心耳邊消息空沉沉畫眉樓上愁登臨愁登臨海棠開後望到如今此詞為同舍傳播酒樓妓館皆歌之世以為歐陽永叔詞者非也

天啟癸亥季冬廿五夜李太僕日華夢一道者與談三生事謂其過去之七世身乃唐天寶中詞臣長孫錫也上與玉真妃御浮香閣宣喚李白白不至即令長孫錫代之因作上已觀禊詩曰曉岸瞳瞳日春風山藹藹嵐初逢雕輦出漸覺綺羅團花影鳥飛散絮球魚觸殘水濱三日宴惟簡廉人看上與妃皆笑曰不忝作娃兒輩也述畢乃寤見自記

平湖沈季友字南疑風流儒雅一時獨步騷壇配陸氏閣學次友先生女
嫻於文墨唱和殊諧康熙癸酉南疑宿天姥峰下夢一老嫗謂之曰汝
前身是白鶴童子汝婦乃綠鸚仙也覺而占一詩云偕隱何年志頗同
前身忘却俗緣中夜來天姥渾猜着是綠鸚仙白鶴童陸氏因名言即
以鸚仙作字

海鹽金粟寺殿中有一鼓欸制絕異乃當年戰場督陣之鼓非今時戒堂
說法之鼓也傳是黃武年間吳大帝孫權所留徐秀才淮題金粟寺詩
有云年來稀戰伐鼙鼓但迎神即指此

邵城楞嚴寺大殿有仙蹟三前面東柱礎石下斧頭一西首天花板掛手
巾布一幅東北角穿梁上梯一張相傳建造時魯^班之所遺也

宋時崇德州之石門鄉民家有一孕婦死殯殮入棺懷胎在腹未幾經發
開棺見其死孩已產儼然在母視中矣見洗冤錄

平湖屠檢討象美在京邸時有婢紅葉因內妬箠死或曰以不謹死瘞之
郊踰旬忽甦呼聲聞于外發視則活矣錦衣衛勒象美賄不得奏聞罷
歸乙酉城破同總兵陳梧軟盟起義被亂兵所殺

順治二年乙酉六月初九日 大清兵抵嘉興分巡道吳克孝投于河左
右救遁同知朱議瀉推官孫昌祖等各棄職去知府鍾鼎臣以城降居
民爭粘順民二字于門貝勒王扎營演武場先遣數騎進城揭安民榜
士庶有獻策者給劄授官住三日拔營進北門出南門騎兵由草蕩陸
行步兵用舟從漕河行秋毫不犯市肆安堵

閏六月初五日下令剃頭時委投降總兵陳梧在郡防禦百姓因至其署問所適從梧曰剃頭事小剃了連你妻子都不保了衆乃沸然平湖屠象美遂與梧軟盟共事初七日聚軍民於察院基令城內外二十四坊居民每家各出一兵其有遷避者抄沒充餉數日間陡集三萬餘人寸鐵縛竿葛衣裸體烏合喧呶竟同兒戲

胡之臣者曾在天寧寺賣膏藥人素輕賤奉劄委署秀水縣事因藉軍需嚴迫立威民怨入骨至是衆乃闢至縣署擁而出之磔死於球場

十三日大兵次陡門陳梧迎戰于鎮西大敗退保入城屠象美見出戰不利作檄調太湖王蜚兵靜候數日杳無影響已有舍而他去之意廿五日水師敗于麻雀墩民兵被坑于油車浜殲于石灰橋知事漸危懷寶

欲遁被亂兵斫死貝勒在杭復募披甲三千是晚進薄西門鋤頭壩作浮橋達城下竟夕礮聲如雷守城兵卒紛々逃散廿六日天色未明陳梧開東門率家丁遁走平湖大兵知梧東去分兵追趕至朝陽廟不及而遂

吳天俊秀邑庠生乙酉大兵南下奉親避之母姚氏邁危疾無從覓醫乃割股以進病尋愈亂兵奪其父卧簞俊哀求不已兵怒以刀斫之若有為之截去者兵手中僅持一柄而已得免

秀水黃季瀚繫妻胡氏避亂行至倉橋陡與兵遇季瀚受傷落水幸從水城門逃出胡氏被擄給以緩行結襪遂投河死時郡城河中積屍充塞氏母家在石條街相距數里尸竟從水城門流出從西麓橋直至秋涇

河母家門首有僮浙米驚見入報其兄胡仲容收殮越月餘季瀚聞其事猶在疑信及啟棺見面目如生大痛掩之季瀚在 國朝中順治丁酉舉人

可經堂徐冢宰石麒居也冢宰歸田後築堂于舊第榜之曰可經人多不解其故乙酉六月兵亂城將破公方養病於三泖之濱聞變嘆曰我郡人也為先朝遺老不應死於外急覓舟入城抵家時已薄暮即于夜分坐堂中以穀自經人始信其從容就義立志已久

桐鄉吳重光初為衙胥眾剖與例錢詰所自來眾告之即擲地嘆曰此孽錢也安所不得一碗飯乃從地獄中覓衣食耶遂往鄉務農業崇禎甲申燕京失守重光聞之入城問人曰皇帝奈何人以與城同壞對乃仰

天大號曰遂至此乎小人草命遙伴皇帝死足矣亟歸自縊于家

禪僧血影在三塔寺左司憲牌坊石柱上乙酉城破亂兵掠婦女數十繫於岳廟即命寺僧守之兵偶他往僧即開門呼諸婦女出以窓布後港中令速逃兵歸詰之曰吾逸去矣兵大怒乃縛僧于牌坊柱以亂箭射死其血淋漓沁入石內宛然一僧形也有碑記近年于河中得之但時當亂離名氏莫敢耳

司空姚公思仁家居時嘗患熱症魂忽入冥至一殿排列鬼卒悉皆猙獰可畏未幾冥王冕而登座公長揖進見請王勘校善惡王命主者持簿至公名下所註惡即一念之動悉書公曰此未嘗為何為書王曰未為曰過若為即罪不可解矣及閱善簿于請賑畿南一疏下註有大善字

公曰此疏思仁僅具名稿乃友人賀燦然筆也王命取賀籍閱之賀名下初註無子復註代姚思仁草救疏報以一子公甦言于賀是歲燦言然果舉子

秀水范彥彪曾祈子于冷仙亭夢仙謂之曰汝家種德已久今當發長其祥矣吾以手下童子贈之是年妻吳氏有娠生子即取名長發岐嶷不凡讀書過目成誦弱冠登康熙庚午賢書甲戌成進士歷官至監察御史每以清俸脩葺冷仙亭自亦知童子降凡也

天尊閣即向之玉樞道院也內祀東嶽神殿前有一通天鼎高與檐齊乾隆乙未夏月一日演戲觀者甚衆四圍挨擠至有踞于鼎上者此鼎忽然欲倒人皆奔走恐後性命危於呼吸殿中有一金甲神搶出以隻手

扶住鼎乃屹立如故但安置稍偏耳衆目盡睹一時傳以為異



